



UNIVERSITETI I EVROPËS JUGLINDORE  
УНИВЕРЗИТЕТ НА ЈУГОИСТОЧНА ЕВРОПА  
SOUTH EAST EUROPEAN UNIVERSITY

Në bazë të nenit 108 të Ligjit për arsimin e lartë (Fletorja zyrtare e Republikës së Maqedonisë, nr. 35/2008, 103/2008, 26/2009, 83/2009, 99/2009, 115/2010, 17/2011, 51/2011, 123/2011, 15/2013 dhe 24/2013), të Rregullores për kushtet dhe kriteret e regjistrimit të studentëve në Universitetin e Evropës Juglindore dhe në bazë të Vendimit të Senatit të datës 19 shkurt të vitit 2013, Këshilli i Rektorit i Universitetit të EJKL më 12 prill të vitit 2013 shpall:

## KONKURS

**Për regjistrimin e studentëve në fakultetet e Universitetit të Evropës Juglindore për vitin akademik 2013/2014, sipas cikleve të studimeve**

### I. CIKLI I PARË I STUDIMEVE

#### 1. Numri i studentëve të rregullt në vitin akademik 2013/14, në gjuhën shqipe, maqedonase dhe angleze

I.1 Studime të rregullta	Shq	Maq	Ang	Vendi i studimit	Çmimi i studimeve për semestër
<b>FAKULTETI I DREJTËSISË</b>					
Drejtësi	90	-	-	TE	650€
	30	30	-	SHK	
Kriminalistikë dhe siguri	50	-	-	TE	
<b>FAKULTETI I BIZNESIT DHE EKONOMISË</b>					
Biznes dhe ekonomi	100	30	-	TE	900€
	50	30	-	SHK	
Agrobiznesi	20	-	-	TE	
Sistemet e informacionit dhe menaxhmenti <sup>1</sup>	-	-	25	SHK	1000€
<b>FAKULTETI I ADMINISTRIMIT PUBLIK DHE I SHKENCAVE POLITIKE</b>					
Administrimi publik	90	30	-	TE	650€
	25	25	-	SHK	
Shkencat politike	40	-	-	TE	
	25	25	-	SHK	
Studime evropiane	20	-	-	TE	
	-	20	-	SHK	
Studime evropiane <sup>2</sup>	-	-	25	SHK	1000€
Lidershipi dhe puna me rininë në shoqëri <sup>3</sup>	-	-	20	TE	

<sup>1</sup> Ky program studimor zhvillohet në bashkëpunim me Universitetin e Londrës – program i jashtëm (UoL) “London School of Economics” (LSE) – External Program. Pas përfundimit të studimeve studentët do të marrin “diplomë të dyfishtë” - dy diploma (nga Fakulteti i Londrës për ekonomi dhe nga UEJL). Kriteret për regjistrim janë paraparë në mënyrë të veçantë në konkurs. Studimet realizohen në gjuhën angleze.

<sup>2</sup> Ky është program i përbashkët studimor me Universitetin e Lubjanës (një nga top 500 universitetet sipas rangimit në nivel botëror). Diploma është e pranuar gjithashtu edhe Republikën e Sllovenisë si diplomë e Universitetit të Lubjanës.

<sup>3</sup> Ky program është përgatitur në bashkëpunim me Universitetin Jönköping - Suedi.

FAKULTETI I SHKENCAVE DHE I TEKNOLOGJIVE BASHKËKOHORE					
Shkencat kompjuterike	90	20	-	TE	900€
	25	25	-	SHK	
Teknologjitë e informacionit dhe të komunikimit (Inxhinieria kompjuterike)	20	20	20	TE	900€
Informatika e biznesit	-	-	40	TE	1000€
	-	-	30	SHK	
Informatika e mediave	-	-	20	SHK	
DEPARTAMENTI I STUDIMEVE TË INTEGRUARA ME PRAKTIKË <sup>4</sup>					
Menaxhimi bashkëkohor bankar	-	-	25	TE	1000€ (bursa nga kompanitë)
Menaxhimi bashkëkohor i ndërmarrjeve	-	-	25		
Informatika e aplikuar për kompanitë e TI	-	-	25		
FAKULTETI I GJUHËVE, KULTURAVE DHE I KOMUNIKIMIT					
Gjuhë dhe letërsi shqipe	20	-	-	TE	650€
Gjuhë dhe letërsi angleze	-	-	60	TE	
	-	-	30	SHK	
Gjuhë dhe letërsi gjermane	-	-	25 GJER	TE	
Komunikimi ndërkombëtar	20	-	-	TE	
	-	20	-	SHK	

## 2. Numri i studentëve në studimet me korrespondencë

Në fakultetet e UEJL-së, në vitin e parë të studimeve deridiplomike, në vitin akademik 2013/2014, do të regjistrohet një numër i caktuar studentësh me korrespondencë sipas programit me distancë - 30% nga numri i përgjithshëm i studentëve të rregullt të paraparë me konkursin në programet vijuese studimore:

I.2 Studime me korrespondencë	Vendi i studimit	Çmimi i studimeve për semestër
FAKULTETI I DREJTËSISË		
Drejtësi	TE, SHK	450€
FAKULTETI I BIZNESIT DHE EKONOMISË		
Informatika e biznesit	TE, SHK	650€
FAKULTETI I ADMINISTRIMIT PUBLIK DHE I SHKENCAVE POLITIKE		
Administrimi publik	TE, SHK	450€
Shkenca politike	TE	
FAKULTETI I SHKENCAVE DHE I TEKNOLOGJIVE BASHKËKOHORE		
Shkencat kompjuterike	TE, SHK	650€
FAKULTETI I GJUHËVE, KULTURAVE DHE I KOMUNIKIMIT		
Gjuhë dhe letërsi angleze	TE, SHK	450€
Komunikimi ndërkombëtar	SHK	

Studimet me korrespondencë sipas programit me distancë janë studime të pavarura në përputhje me udhëzimet dhe standardet e universitetit. Regjimi i studimit është si vijon:

- në fillim të semestrit studentët kanë ligjëratë hyrëse me profesorët e lëndës përkatëse;

<sup>4</sup> Këto programe për studime të integruara me praktikën, realizohen me mbështetjen e Deutsche Gesellschaft für Internationale Zusammenarbeit (GIZ) në kuadër të programeve të dyfishta të Universitetit. Këto programe profesionale realizohen: 50% të mësimdhënies në universitet (me profesorë ndërkombëtarë) dhe 50% në kompani. Studentëve të cilët do të studiojnë në këto programe do t'u ofrohet bursë e plotë nga kompanitë dhe punësimi i këtyre të diplomuarve është 100%. Studimet janë në gjuhën angleze. Më shumë e informata në [www.seeu.edu.mk](http://www.seeu.edu.mk)

- lëndët e shkathtësive (si p.sh. gjuha angleze dhe teknologjia e informacionit do të organizohen me ligjërata të rregullta, njëherë në dy javë, pas orarit të punës, varësisht nga niveli i njohurive);
- përmes sistemit për menaxhim elektronik “Libri” (libri.seeu.edu.mk) do të merren instruksione për mësimin, kriterin e notimit, materialet e nevojshme dhe do të ketë mundësi pjesëmarrjeje në forume elektronike;
- në përfundim të semestrit do të organizohet një seminar intensiv me profesorët e lëndëve përkatëse.

#### Shënim (për pjesën I.1 dhe I.2)

Në rast të paraqitjes së kandidatëve në numër më të madh se numri i paraparë në këtë konkurs dhe nëse vlerësohet se ata i plotësojnë kriteret dhe standardet e kërkuara për regjistrim në UEJL, atëherë Këshilli i rektorit mund të vendosë që të pranojë më së shumti deri më 20% prej tyre nga numri i paraparë me konkurs.

Në rast se paraqiten më pak se 20 kandidatë në programin e caktuar studimor, Universiteti ka të drejtë të mos e fillojë mësimin për programin përkatës studimor, kurse kandidatëve të paraqitur t’ua ofrojë mundësinë të regjistrohen në ndonjë program tjetër studimor.

Rregullat e studimit për të gjithë studentët janë të shpallura në “Përmbledhjen e akteve normative për qeverisjen dhe regjimin e studimeve”. Kjo përmbledhje gjendet në ueb faqen e universitetit.

### 3. Kriteret për regjistrim të studentëve në ciklin e parë

#### 3.1. Kushtet dhe kriteret për regjistrim

- Të drejtë regjistrimi në studime deridiplomike kanë kandidatët që kanë kryer arsimin e mesëm katërvjeçar ose arsim gjegjës me të dhe që kanë kaluar maturën shtetërore.
- Në rast se në afatin e parë të regjistrimit nuk plotësohet numri i paraparë i studentëve me këtë konkurs, atëherë të drejtë regjistrimi në afatin e dytë, (përveç atyre që kanë kaluar maturën shtetërore), kanë edhe kandidatët e gjimnazeve që kanë kaluar maturën shkollore dhe kandidatët nga shkollat e mesme profesionale që kanë dhënë provimin përfundimtar.
- Kandidatët që kanë kryer arsimin e mesëm katërvjeçar ose arsimin gjegjës me të para vitit 2008, kanë të drejtë të regjistrohen vetëm në bazë të suksesit të shkollës së mesme.
- Kandidatët që kanë kryer arsimin e mesëm katërvjeçar ose arsimin gjegjës me të jashtë Republikës së Maqedonisë, kanë të drejtë të regjistrohen, vetëm në bazë të suksesit të shkollës së mesme. Ata ndërkohë duhet t’i nostrifikojnë diplomën dhe dëftesat në Ministrinë e arsimit dhe shkencës së Republikës së Maqedonisë.
- Vlerësimi i suksesit nga shkolla e mesme, matura shtetërore dhe nga matura shkollore për nxënësit e gjimnazeve të përgjithshme apo i provimit përfundimtar për ata që kanë kryer shkollat profesionale (për kandidatët në afatin e dytë të pranimit), shprehet me anë të pikëve. Në bazë të pikëve do të bëhet renditja e kandidatëve të pranuar.

- f) Kandidatët regjistrohen si studentë të rregullt apo me korrespondencë me financim të studimeve.
- g) Përparësi gjatë pranimit të studentëve me korrespondencë do të kenë kandidatët që kanë status të të punësuarit dhe që kanë sukses më të mirë nga shkollimi i mesëm. Të punësuarit duhet ta dokumentojnë statusin e tyre.

### 3.2. Njohja e gjuhëve

- a) Të gjithë kandidatët do t'i nënshtrohen testimit për njohuritë e tyre për shkallën e njohjes së gjuhës angleze. Ky testim nuk ka karakter eliminues, por nevojitet për ta përcaktuar nivelin e njohjes së gjuhës angleze.
- b) Për programet me mësim në gjuhën angleze, kriteret minimale janë: TOEFL ITP min. 460 pikë (versioni në formë të shkruar që ofrohet në UEJL)/ TOEFL IBT min. 57 pikë (versioni në formë kompjuterike)/IELTS min. 5 pikë ose rezultat ekuivalent në testi n institucional për njohje të gjuhës angleze nga Qendra e Gjuhëve, UEJL.

### 3.3. Regjimi i studimit

Regjimi i studimeve i zgjedhur për të cilat përcaktohet kandidati që në fazën e aplikimit, mbetet regjimi i studimeve deri në diplomim, pa mundësi të ndryshimit të tij.

### 3.4. Vlerësimi i suksesit

Vlerësimi i suksesit nga shkolla e mesme dhe nga matura shtetërore do të shprehet me anë të pikëve. Vlerësimi i suksesit do të bëhet sipas dy kriterëve:

- sukcesi i treguar në shkollën e mesme (gjimnazi apo shkollimi i mesëm profesional) dhe
- sukcesi i treguar në provimin e maturës

### 3.5. Paraqitja dhe regjistrimi në ciklin e parë të studimeve

#### Afatet për paraqitje

Kandidatët e interesuar mund të paraqiten para periodës për regjistrim, duke filluar nga **6 maj 2013** deri më **30 gusht 2013**. Kandidatët që aplikojnë para provimit të maturës shtetërore e ruajnë të drejtën të studiojnë në programin në të cilin kanë aplikuar, duke pasur parasysh se programet studimore janë konkurrencte dhe nuk mund të regjistrohen më shumë studentë se numri i paraparë për regjistrim me konkurs. Këta kandidatë duhet t'i dorëzojnë dokumentet e shënuara në pikët: 1, 2, 3, 4 (vetëm dëftesat e tri viteve të kryera), 6 dhe 7.

Regjistrimi i këtyre kandidatëve do të zyrtarizohet pas kompletimit të dokumentacionit.

#### Paraqitja e kandidatëve

Të drejtë paraqitjeje kanë të gjithë kandidatët që i përmbushin kushtet e parapara me konkurs.

Kandidatët duhet t'i dorëzojnë të gjitha dokumentet e poshtëshënuara, në ndërtesën 802, në kampusin e universitetit ose nëpërmjet postës, në adresën vijuese:

Universiteti i Evropës Juglindore, Bul. Ilindenska, nr. 354, 1200 Tetovë, Maqedoni
--

Për më shumë detaje kontaktoni Zyrën për pranim:

Tel: +389 44 356 188; +389 44 356 091; E-mail: admissions@seeu.edu.mk
---

## Dokumentet për paraqitje në konkurs dhe regjistrim

Të gjithë kandidatët të cilët aplikojnë në vitin akademik 2013/2014 duhet ta dorëzojnë dokumentacionin e poshtëpërmendur:

1. Formularin e plotësuar (i cili mund të merret në Zyrën për pranim të universitetit ose në *web* faqen zyrtare: [www.seeu.edu.mk](http://www.seeu.edu.mk))
2. Fletëpagesën në shumë prej 1500 MKD (25 Euro)

Detaje për pagesën në denar:

Pranuesi:	UEJL
Emri i bankës:	STOPANSKA BANKA
Zhiro llogaria:	200-0008775390-10

Detaje për pagesën në euro:

Pranuesi:	UEJL
Emri i bankës:	STOPANSKA BANKA
Adresa e bankës:	Bul. M.Tito bb, Tetovo 1200, Macedonia
Zhiro llogaria:	0009009090
IBAN:	MK07200000900909026
SWIFT:	STOBMK2X

3. Biografi e shkurtër/letër përcjellëse e cila do të përmbajë më së paku 500 fjalë. Në këtë ese duhet të përmenden arsyet pse studenti aplikon në Universitetin e EJL.
4. Dëftesat origjinale nga të gjitha vitet (ose kopje të verifikuara te noteri).
5. Vërtetim për rezultatet nga matura shtetërore, gjegjësisht matura shkollore apo provimi përfundimtar.
6. Certifikatë e lindjes
7. Fotokopje e letërnjoftimit ose e pasaportës

### Shënim:

Studentët që kanë kryer shkollimin e mesëm para vitit 2008 apo jashtë Republikës së Maqedonisë duhet të dorëzojnë diplomë origjinale për kryerjen e arsimit të mesëm.

Studentët e transferuar në mënyrë plotësuese duhet të sigurojnë transkript të notave nga institucioni paraprak i arsimit të lartë.